

**THE IMPORTANCE OF NEW DIRECTIONS OF RAILWAY TRANSPORT IN THE DEVELOPMENT OF TOURISM****Shakirova Farog‘at Boltaevna**

Associate professor of Tashkent State transport University

**Saidmurodov Feruz Sodiqjon o‘g‘li**

Researcher of Tashkent State University of Economics

**Annotation:** the article highlights the state support of tourism, the importance of new directions of railway transport in the development of this sphere.**Key words:** Tourism, Rail Transport, new routes, tourism potential.

Jahondagi innovatsion rivojlangan mamlakatlar iqtisodiyotining yalpi ichki mahsuloti tarkibida xizmatlar ulushi yuqoriligini ko‘rishimiz mumkin. Bu esa o‘z navbatida, aholi farovonligi darajasi yuqoriligidan dalolat beradi. Turizm esa jamiyat hayotining barcha sohalariga o‘zining ta‘sirini o‘tkazib kelmoqda. Shuningdek, u iqtisodiyotning qator soha va yo‘nalishlarining rivojlanishi uchun imkoniyat yaratadi. Jumladan, transport tarmoqlari, aloqa, yo‘l qurilishi, mehmonxonalar, umumiy ovqatlanish korxonalari, kommunal xo‘jaligi, maishiy xizmat ko‘rsatish, servis sohasi, savdo tarmoqlari va h.k.

Turizmni rivojlantirish bir vaqtning o‘zida o‘ziga xos dam olish, hordiq chiqarish, ko‘ngil ochar maskanlar industriyasini tashkil etib, o‘z o‘rnida sayyohlarga sifatli xizmat ko‘rsatish bilan bog‘liq bir qator sohalarni qamrab olgan. Turizm sohasi hozirgi kunda jahondagi eng serdaromad sohalardan biri bo‘lib, uning iqtisodiyotdagi ulushi tobora ortib bormoqda. Shuning uchun ko‘pgina mamlakatlar turizm sohasini rivojlantirmoqdalar. Jumladan, mamlakatimizda ham bu sohani rivojlantirishga alohida e‘tibor berilmoqda.

O‘zbekiston boy turistik salohiyatga va turizmni rivojlantirishning barcha imkoniyatlariga ega, shu tufayli mamlakatimizda turizm sohasini rivojlantirish uchun turli chora tadbirlar, Prezidentimiz tomonidan qator qaror va farmonlar ishlab chiqilib amalga oshirilmoqda. O‘zbekiston Respublikasi Prezidenti Sh.M.Mirziyoevning 2018-yil 3-fevraldagi “O‘zbekiston Respublikasining sayyohlik salohiyatini rivojlantirish uchun qulay shart-sharoitlar yaratish bo‘yicha qo‘shimcha tashkiliy chora-tadbirlar to‘g‘risida” PF- 5326 sonli Farmoni, 2018-yil 6-fevraldagi “O‘zbekiston Respublikasi turizm salohiyatini rivojlantirish uchun qulay sharoitlar yaratish bo‘yicha qo‘shimcha tashkiliy chora-tadbirlar to‘g‘risida”gi PQ-3509 sonli va "O‘zbekiston Respublikasi Davlat mulki qo‘mitasining turizmni rivojlantirish bo‘yicha faoliyatini yanada takomillashtirish chora-tadbirlari to‘g‘risida" PQ-3510 Qarorlari, 2018-yil 7-fevraldagi “Ichki turizmni jadal rivojlantirish chora-tadbirlari to‘g‘risida” PQ-3514-sonli Qarori, 2019-yil 5-yanvardagi “O‘zbekiston Respublikasida turizmni jadal rivojlantirishga oid qo‘shimcha chora-tadbirlar to‘g‘risida”gi PF-5611-sonli Farmoni shular jumlasidandir.

**O‘zbekistonning turizm sohasida ko‘mak ko‘rsatuvchi vazirlik va idoralari<sup>1</sup>**

1-jadval

	<b>Vazirlik va idoralar</b>	<b>Rasmiy sayt</b>
	O‘zbekiston Respublikasi investitsiyalar va tashqi savdo vazirligi	<a href="http://mift.uz">mift.uz</a>
	O‘zbekiston Respublikasining turizmni rivojlantirish bo‘yicha davlat qo‘mitasi	<a href="http://www.uzbektourism.u">www.uzbektourism.u</a> <a href="#">z</a>
	O‘zbekiston Respublikasi Davlat aktivlarini boshqarish agentligi	<a href="http://davaktiv.uz">davaktiv.uz</a>
	O‘zbekiston Respublikasi iqtisodiyot va sanoat vazirligi	<a href="http://www.mineconomy.u">www.mineconomy.u</a> <a href="#">z</a>
	O‘zbekiston Respublikasi moliya vazirligi	<a href="http://www.mf.uz">www.mf.uz</a>
	O‘zbekiston Respublikasi tashqi ishlar vazirligi	<a href="http://www.mfa.uz">www.mfa.uz</a>

<sup>1</sup> Uzbektourism.uz sayti ma‘lumotlari asosida tayyorlangan.

<https://conferencea.org>November 15<sup>th</sup> 2022

Yuqoridagi 1-jadvalda O'zbekistonning turizm sohasida ko'mak ko'rsatuvchi vazirlik va idoralar nomi va sayti berilgan bo'lib, bu boradagi qator ma'lumotlarni onlayn tarza olish imkoniyatini beradi.

Mamlakatimiz turizm salohiyatini yanada rivojlantirish, mahalliy va xorijiy sayyohlarga qo'shimcha qulayliklar yaratish, temir yo'l transportida yo'lovchilarga ko'rsatilayotgan xizmatlar sifatini zamon talablari darajasida yangi bosqichga olib chiqish maqsadida "O'zbekiston temir yo'llari" aksiyadorlik jamiyati 34 ta zamonaviy elektropoyezdlar sotib olish bo'yicha xalqaro tender e'lon qildi.

Mazkur tender elektropoyezdlarga texnik xizmat ko'rsatish uchun zarur bo'lgan asbob-uskunalarni yetkazib berish, shuningdek, kadrlar tayyorlashni ham nazarda tutadi. Harakat tarkibini yangilash, zamonaviy elektropoyezdlarni xarid qilish bo'yicha hozirda "O'zbekiston temir yo'llari" aksiyadorlik jamiyati Stadler, Skoda, Talgo, Hyundai, CAF, Siemens, Alstom, Hitachi, Pesa, CRRC-Dalian kabi dunyoning eng ilg'or kompaniyalari bilan muzokaralar olib bormoqda. 34 ta zamonaviy elektropoyezdlarning xarid qilinishi natijasida 8 ta yangi yo'nalishlarda temir yo'l qatnovlari tashkil etilishi ko'zda tutilgan. Bular: *Toshkent – Jizzax – Toshkent, Toshkent – Keles – Toshkent, Navoiy – Buxoro – Navoiy, Samarqand – Jizzax – Samarqand, Samarqand – Shahrisabz – Samarqand, Samarqand – Qarshi – Samarqand, Andijon – Xonobod – Andijon, Nukus – Xiva – Nukus.*

Yangi yo'nalishlarda temir yo'l qatnovining yo'lga qo'yilishi natijasida bir yilda 5 mln 925 ming 500 nafar yo'lovchiga xizmat ko'rsatiladi.

Shuningdek, *Toshkent – Xojikent – Toshkent, Toshkent – Angren – Toshkent, Namangan – Andijon – Namangan, Qo'qon – Andijon – Qo'qon, Toshkent – Guliston – Toshkent, Toshkent – Bekobod – Toshkent, Termiz – Sariosiyo – Termiz, Qarshi – Buxoro – Qarshi, Buxoro – Xiva – Buxoro, Samarqand – Buxoro – Samarqand* kabi 10 ta mavjud yo'nalishlarda esa qo'shimcha poyezdlar qatnovi yo'lga qo'yiladi.

Xulosa o'rnida ta'kidlash lozimki, yangi yo'nalishlarda poyezdlar harakatining yo'lga qo'yilishi va mavjud yo'nalishlarda qo'shimcha qatnovlarning tashkil etilishi orqali bir yilda jami 22 mln 473 ming 500 nafar yo'lovchiga sifatli xizmat ko'rsatishga erishiladi. Bu esa o'z navbatida, ichki va tashqi turizmning rivojlanishida muhim ahamiyat kasb etadi.

#### Фойдаланилган адабиётлар:

1. Шакирова Ф. Б. Развитие экономики Узбекистана на основе инновационной деятельности //Проблемы современной экономики. – 2015. – №. 3 (55). – С. 299-302.
2. Mardievna S. G., Boltaevna S. F. The role of public-private partnerships in attracting investment projects in the transport sector //Journal of Contemporary Issues in Business and Government Vol. – 2021. – T. 27. – №. 6.
3. <https://mintrans.uz> sayti ma'lumotlari
4. Rahberdi R. et al. PROBLEMS IN LEARNING ENGLISH IN DIFFERENT CLASSES IN SECONDARY SCHOOLS //Thematics Journal of English Language Teaching. – 2022. – T. 6. – №. 1.
5. Pirmatovich R. R. IX-XII ASRLARDA DUNYOVIY ILM-FAN SOHASIDA IJOD QILGAN OLIMLAR VA ULARNING ILMIY MEROSI //TA'LIM VA RIVOJLANISH TAHLILI ONLAYN ILMIY JURNALI. – 2022. – T. 2. – №. 10. – С. 450-452.